



FELCO
Federacion dels Ensenhaires
de Lenga e Cultura d'òc

Aquitàine, Auvergne, Ile de France, Languedoc, Limousin, Midi-Pyrénées, Provence-Alpes-Côte d'Azur, Rhône-Alpes

Butletín n°192
12/06/2006

Collectiu "anem, òc" - Comitad d'organizacion de la manifestacion del
17 de març 2007-a Besièrs
Rendut-compte FELCO de l'amassada del 7 de junh 06 a besières

L'acamp se tenguèt al Cirdòc de 9oras e mièja a 1 ora e mièja.

Presentes:

David Grosclaude, Anna-Maria Poggio, Alan Roch(IEO)
Maria Joana Verny, Felip Martel, Daidièr Agar (FELCO)
Felip Hammel (CALANDRETA)
Maria Boivert (CONSEILH DE LA JOVENTUT)
Lucian Durand (FELIBRIGE)
Danís Cantournet, Joan Daniel Estève (comitat local)

Lo conse de Besièrs passa per saludar. Eric Andrieu - vici president Consèlh Regional - charra un moment amb los presents (tèma de l'interregionalitat)

1/ Lo Felibrige es favorable a la manifestacion de Besièrs. " li Majourau à l'unanimeta soun counsènt pèr estudia la participacioun dóu Felibrige à la Grandò manifestacioun previsto à Besiès pèr la primo de 2007". **Lucian Durand** representa lo Felibrige a aquel acamp.

Lucian Durand rapèla que la denominacion "lenga occitana" pausa pas problèma al Felibrige mas qu'en Provença la denominacion "lenga d'Òc" seriá preferabla.

A.M Poggio ditz que lo material que sortís del collectiu deuriá portar un eslogan unenc "Anem, per la lenga occitana: òc!" e rapèla que fôrça monde dis Aups i Pirenèus venguèron a Carcassona amb aquel eslogan de rampèl.

La FELCO rapèla que las doás expressions "Lenga d'òc" e "lenga occitana" son sinonimas e qu'aquò deu pas èsser un motiu de division al regard dels enjòcs de la manifestacion.

Se charra sus la possibilitat per lo Felibrige de remplaçar sus las afichas – per sa comunicacion en Provença-, e a sos fraisses, "lenga occitana" per "lengo d'o". La decision es remandada a mai tard, après examen per lo Felibrige.

L'idèa d'una conferéncia de premsa en Provença sus la promocion de la lenga amb lo Felibrige, l'IEO e de representants del collectiu "Anem Òc" sembla bona a totes. Serà un biais per mostrar l'unitat de los que defendon la lenga. Lucian Durand ne parlarà al Felibrige.

D. Grosclaude saluda la preséncia del Felibrige dins aquel acamp.

2/ La comunicacion del collectiu / La comunicacion de cada associacion

-Los documents signats al nom del collectiu son decidats dins los acamps del comitat d'organizacion. (corrièrs, afichas, utilizacion del logò, ...). Las decisions devon èsser consensualas.

-Cada associacion partenària pòt comunicar liurament en son nom per rampelar a la manifestacion.

3/ Lo comitat local besierenc:

-assegura la logistica de la manif

-met en plaça las decisions del comitat Anem Òc

un calendèr d'acamps es fargat :

⊗ Diluns 26 de junh de 2006 de 18h fins a 19h30 precisas a APRENE.

⊗ Diluns 24 de julh de 2006 de 18h fins a 19h30 precisas.(Luòc de causer)

⊗ Diluns 28 d'agost de 2006 de 18h fins a 19h30 precisas.(Luòc de causer)

⊗ Diluns 25 de setembre de 2006 de 18h fins a 19h30 precisas.(Luòc de causer)

- ⌘ Diluns 23 d'octòbre de 2006 de 18h fins a 19h30 precisas. (Luòc de causir)
- ⌘ Diluns 27 de novembre de 2006 de 18h fins a 19h30 precisas. (Luòc de causir)
- ⌘ Diluns 18 de decembre de 2006 de 18h fins a 19h30 precisas. (Luòc de causir)
- ⌘ Diluns 22 de genièr de 2007 de 18h fins a 19h30 precisas. (Luòc de causir)
- ⌘ Diluns 5 de febrèr de 2007 de 18h fins a 19h30 precisas. (Luòc de causir)
- ⌘ Diluns 12 de març de 2007 de 18h fins a 19h30 precisas. (Luòc de causir)

4/ L'emplegat coordinator de la manif

L'ofèrta d'emplèc ja lançada donèt pas gaire de resulta. Lo periòde èra pas favorable . 2 candidats potencials dont Bernadeta Courpaert qu'assistís a l'acamp per s'informar del trabalh demandat. Se torna lançar l'ofèrta amb demanda de candidatura escrita.

COORDINATOR DE LA MANIFESTACION del 17.03.06

- emplèc ajudat (del 1èr de julhet 2006 al 20 de març 2007)
- emplegaire : ieo Lengadòc o nacional, al nom del collectiu.
- luòc de trabalh: Besièrs
- mestria d'internet e messatjariá
- occitan parlat e escrit
- qualitats relacionals (ligam amb oficials, jornalistas, ...)
- gestion del material de la manif (afichas, tractes, camisets... tiratges, estocatge, expandiment)
- secretariat, circulacion de l'informacion (remandar sul bon interlocutor associatiu)

MANDAR LETRA e CV abans lo 23 de junh 06: a Pèire Còsta, coordinator regional de l'I.E.O., 7, carrièra Franklin -BP 60011 - 34 500 BESIERS CEDEX tel/fax: 04 67 31 18 91
corrièl: ieo.lengadoc@wanadoo.fr

5/ Letra als elegits

D. Agar fa una prepausicion. La letra es adobada pel comitat. La version adoptada es en pj.

6/ Mediatizacion per anonciar la manifestacion e cunhar la question linguistica dins lo debat pre-electoral

- L'idèa de candidatura virtuala a la presidenciala (accion mediatica al consèlh constitucional) es pas retenguda (opausicion de la Felco, resèrvas de Calandreta e del Consèlh de la Joventut)
- Demòra de trapar quicòm ! Se recèrca lo sosten de monde fòrça coneguts:
- contacte de Sting al festenal de Carcassona (ieo Aude)
- Fabienne Thibault (Consèlh de la Joventut a Marcilhac-12-)
- Sean Connery (D. Grosclaude)
- Francis Cabrel , Fabien Pelous,

Se recèrca tanben lo biais de far una intervencion al cimèl de la Francofonia en Romania.

7/ Aficha:

- Unes projèctes d'aficha son espepissats mas son pas retenguts . Se merceja los autors.
- BEN mandèt un desenat de produccions. Prepausam de far un montatge amb 3 o 4, sus fons de color. Lo tèxte serà amb lo grafisme de Ben (li cal demandar de grafiar lo tèxte precís: "Anem, òc! Per la lenga occitana ! Manifestacion- Besièrs - 17 de març de 2007 - 14 oras). J.D Estève e D. Cantournet se'n ocupan. Presentaràn lo projècte definitiu al comitat (per email) abans lo tiratge.

Rampèl: Se cèrca una persona benevòla dins las associacions del collectiu per metre a jorn lo sit internet <www.manifestarperloccitan.com>. S'agís d'arquivar los documents de la manifestacion de Carcassona e de metre en linha los documents de preparacion de Besièrs (Anóncia de la data del 17 de març a Besièrs, Tèxtes de la Crida , letra als elegits, ...)

**ACAMP QUE VEN DEL COMITAT:
Dimenge 9 de julhet de 2007 a 9 oras 30
a l'Universitat d'Estiu de NIMES**

[Lo secretariat de la FELCO](#), & [los màstres-fialaires](#) © FELCO 2006